

临睡时服药，醒即不痛。施之骨槽风病，亦能一服定痛，真神方也。

【按】丁甘仁有骨槽风医案云：“周左，骨槽风肿硬不痛，邪关拘紧，缠绵二月余，此阴症也。位在少阳，少阳少血多气之脏，脉络空虚，风寒乘隙而入，痰瘀凝结，徒恃清凉无益也。法当温化，阳和汤主之。净麻黄五分，肉桂心四分，大熟地四钱，二味同捣，炮姜炭五分，生草节八分，白芥子一钱，砂研，鹿角霜三钱，小金丹一粒，陈酒化服。”可互参。

156. 浸淫疮

浸淫疮为脂水流溢之通称，说详脏腑经络篇。黄连苦寒，能清大毒。许半龙治疗疗毒重用之，往往取效。而其性尤燥，能去湿热。湿热既去，疮中脂水乃不至蔓延流溢也。然则黄连粉方虽缺，其意则大可知也。

【按】《金匱》曰：“浸淫疮，从口起流向四肢者可治，从四肢流来入口者不可治。浸淫疮，黄连粉主之。”曹颖甫认为浸淫疮是湿热兼毒之皮肤证也。黄连清热燥湿解毒，故能治之。

157. 疝气

予昔在同仁辅元堂改散为煎，治愈二人。用桂枝三钱，蜘蛛一枚（炙存性），一人二剂愈，一人一剂愈。章次公、王慎轩皆亲见之。今则相隔久远，并病者姓与居址而忘之矣。乙亥重九日，有倪姓来诊，其证时发时止。今以遇寒而发，偏坠微痛，夜有寒热，睡醒汗出，两脉迟滑，方用：

大蜘蛛一枚（炙过）

川桂枝四钱

一剂即愈，此为前病肠痈之史惠甫介绍，并附记之。

【按】《金匱》曰：“阴狐疝气者，偏有小大，时时上下，蜘蛛散主之。蜘蛛散方：蜘蛛十四枚（熬），桂枝半两。”